



書卷之五



蔡沉集傳

曾氏續編家收藏

召誥

左傳曰武王克商遷九鼎于洛邑史記載武王言我南望三途北望嶽鄙顧詹有河粵詹洛伊毋遠天室營周居于洛邑而後去則宅洛者武王之志周公成王成之召公實先聖理之洛邑既成王始政召公因周公之歸作書致告達之於王其書拳拳於歷年之久近反覆乎夏商之廢興究其歸則以誠小民為一祈天命之本以疾敬德為誠小民之本一篇之中屢致意焉古之大臣其為國

書卷之五

家長遠慮蓋如此以召公之書召因以召誥名篇今文古文皆有

照三途左傳註三途山名在河南陸反渾縣南輿地廣記云今河南府伊

闕縣嶽鄙史記索隱云嶽謂河北太行鄙謂都鄙近嶽之地詹與瞻同粵音越

復音覆誠音咸其為去聲

惟二月既望越六日乙未王朝步自

周則至于豐

日月相望謂之望既望十六日也乙未二十一日也周鎬京也去豐二十五里文武廟在焉成王至豐以宅洛之事告廟也



惟太保先周公相宅越若來三月惟  
丙午臄越三日戊申太保朝至于洛  
卜宅厥既得卜則經營

成王在豐使召公先周公行相視洛邑越若  
來古語辭言召公於豐迤邐而來也臄孟康

曰月出也三日明生之名戊申三月五日也  
卜宅者用龜卜宅都之地既得吉卜則經營

規度其城郭宗廟  
郊社朝市之位

音茂越若來古語辭按堯典篇傳引此越  
下同若來三月為句而此乃異擇何也朱

子語錄載劉諫議云越若發語辭來三月猶  
言明三月也又漢律歷志引書武成篇云越

言作朱三

二

若來三月既死霸雖云偽書然亦可見古人  
文法句讀皆如此劉說尤為有證不當復釋

為迤邐而來也迤邐上移爾反下  
力緇反行也度達各反朝馳遙反

越三日庚戌太保乃以庶殷攻位于

洛汭越五日甲寅位成

庶殷殷之衆庶也用庶殷者意是時殷民已  
遷于洛故就殷之也位成者左組右社前朝

後市之  
位成也

釋音  
遙反

若翼日乙卯周公朝至于洛則達觀

于新邑營



周公至則徧觀新邑所經營之位

越三日丁巳用牲于郊牛二越翼日

戊午乃社于新邑牛一羊一豕一

郊祭天地也故用二牛社祭用太牢禮也皆告以營洛之事

篇傳云郊祭天社祭地下文社于新邑是祭地則此但是祭天也孔傳云郊以后稷配故

二牛孔疏云郊特牲及公羊傳皆云養牲必養二帝牛不吉以為稷牛

越七日甲子周公乃朝用書命庶殷

侯甸男邦伯

書傳卷三

三

書役書也春秋傳曰土彌牟營成周計丈數揣高低度厚薄酌漚洫物土方議遠邇量事

期計徒庸慮材用書糶糴以令役於諸侯亦此意王曰邦伯者侯甸男服之邦伯也庶

邦冢君咸在而獨命邦伯者公以書命邦伯而邦伯以公命命諸侯也

年晉大夫名事見左傳昭公二十二年揣楚委反度達各反例而振反杜註度深曰例量

平聲去聲

厥既命殷庶庶殷丕作

丕作者言皆趨事赴功也殷之頑民若未易役使者然召公率以攻位而位成周公用以書命而不作庶民之難化者猶且如此則其悅以使民可知也



太保乃以庶邦冢君出取幣乃復入  
錫周公曰拜手稽首旅王若公誥告  
庶殷越自乃御事

呂氏曰洛邑事畢周公將歸宗周召公因陳  
戒成王乃取諸侯贊見幣物以與周公且言  
其拜手稽首所以陳王及公之意蓋召公雖  
與周公言乃欲周公聯諸侯之幣與召公之  
誥併達之王謂洛邑已定欲誥告殷民其根  
本乃自爾御事不敢指言成王謂之御事猶  
今稱人為御事也

**釋音**

復扶

又反

**釋音**

見形

向反

書傳卷五

嗚呼皇天上帝改厥元子茲大國殷  
之命惟王受命無疆惟休亦無疆惟

恤嗚呼曷其柰何弗敬

此下皆告成王之辭託周公達之王也曷何  
也其語辭商受命天位為元子矣元子不可  
改而天改之大國未易亡而天亡之皇天  
帝其命之不可恃如此今王受命固有無窮  
之義然亦有無窮之憂於是歎息言王曷其  
柰何弗敬乎蓋深言之不可以弗敬也又按此  
篇專主敬言敬則誠實無妄視聽言動一循  
乎理好惡用捨不違乎天與天同德固能受  
天明命也人君保天無親克敬惟親敬則天與我一  
矣尚何天無親克敬惟親敬則天與我一  
踈之有

**釋音**

好照

並去

聲

去聲



天既遐終大邦殷之命。茲殷多先哲  
王在天。越厥後王後民。茲服厥命。厥  
終智藏。瘵在夫。知保抱攜持厥婦子  
以哀籲天。徂厥亡出執。嗚呼。天亦哀  
于四方民。其眷命用懋。王其疾敬德。

後王後民指受也。此章語多難解。大意謂天既欲遠絕大邦殷之命矣。而此殷先哲王其精爽在天。宜若可恃者。而商紂受命。卒致賢智者退藏。病民者在位。民困虛政。保抱攜持其妻子。哀號呼天。生而逃亡。出見拘執。無地自容。故天亦哀民而眷命用歸於勉德者。天

書傳卷五

五

命不常如此。今三釋。瘵始還反。夫蔡傳無其可不疾敬德乎。解音扶。陸音如字。王肅云。匹夫也。孔。號。平聲。疏云。猶言人人也。呼去聲。

相古先民有夏天迪從子保。面稽天  
若今時既墜厥命。今相有殷天迪格  
保。面稽天若今時既墜厥命。

從子保者。從其子而保之。謂禹傳之子也。面。對也。視古先民有夏天。固啓迪之。又從其子而保佑之。禹亦面考天心。敬順無違。宜若可為後世憑藉者。今時已墜厥命矣。今視有殷天固啓迪之。又使其格正夏命。而保佑之。湯亦面考天心。敬順無違。宜亦可為後世憑藉。



者今時已墜厥命矣。以此知天命誠不可恃以為安也。

**知**

**釋音** 相去聲。下同。

向。卿音。

今冲子嗣則無遺壽者曰其稽我古人之德。矧曰其有能稽謀自天。

稽考。矧況也。幼冲之主於老成之臣尤易踈遠。故召公言今王以童子嗣位不可遺棄老成。言其能稽古人之德是固不可遺也。況言其能稽謀自天是尤不可遺也。稽古人之德則於事有所證。稽謀自天則於理無所遺。無遺壽者蓋君天下者之要務。故召公特首言之。

書傳卷五

六

嗚呼有王雖小元子哉其不能誠于

小民今休王不敢後用顧畏于民畧

召公歎息言王雖幼冲乃天之元子誠謂其年雖小其任則大也。其者期之辭也。誠和畧。險也。王其大能誠和小民為今之休美乎。小民雖至微而至為可畏。主當不敢纒於敬德。用顧畏于民。後句絕畧之。畧險可也。釋音。魚緘反。

王來紹上帝白服于土中旦曰其作

大邑其自時配皇天發祀于上下其

自時中乂王厥有成命治民今休



洛邑天地之中。故謂之土中。王來洛邑。繼天  
始政。故召公以自服土中為言。又舉周公嘗  
言作此大邑。自是以對越上天。可以饗答  
神祇。自是以可以宅中國。治成命者。天之成命  
也。成王而能紹上帝。服土中。則庶幾天有成  
命。治民。今即休美矣。○王氏曰。成王欲宅洛  
邑者。以天事言。則曰景夕多風。曰西景朝  
多陰。曰南景短多暑。曰北景長多寒。洛天地  
之中。風雨之所會。陰陽之所和也。以人事言。  
則四方朝聘貢賦道。○音治平。○音出治去聲。  
里均焉。故謂之土中。○音治平。○音下圖治同。  
景古影字。下同。周禮大司徒。疏云。周公置五  
表。測日景。中表在潁川陽城。去中表千里。外  
四方各置一表。表皆長八尺。凡正日景。必以  
夏日至晝漏中。中表之北景長一尺五寸。東

表在日之東。晝漏中已得夕景。西表在日之  
西。晝漏中仍得朝時之景。南表在日之南。晝  
漏中表北景只四寸。北表在日之北。晝漏中  
表北景一尺六寸。景朝如字。方朝馳遙反。

王先服殷御事。比介于我有周御事。  
節性惟日其邁。

言治人當先服乎位也。王先服殷之御事。以  
親近。則貳我周之御事。使其漸深。陶成。相觀  
為善。以節其驕淫之性。○音比。毗。○音治平聲。  
則日進於善而不已矣。○音至反。○音近。巨。斬。

反漸將

王敬作所。不可不敬德。



言化臣必謹乎身也。所處所也。猶所其無逸之所。王能以敬為所。則動靜語默出入起居。無往而不居敬矣。不可不敬也。釋音處去聲。○德者。甚言德之不可不敬也。釋音朱子語錄云。王敬作所。不可不敬。德只是一句。又無逸篇。所其無逸。朱子亦不取。呂氏之說。皆以其傷於巧也。蔡氏皆從之。何耶。蓋蔡氏集傳之。成。朱子之殺才十年。群弟子語錄未盡出。蔡氏所未聞於朱子者。不允引用他說。非固背師訓也。讀者自宜以意詳之。

我不可不監于有夏。亦不可不監于有殷。我不敢知曰。有夏服天命。惟有歷年。我不敢知曰。不其延。惟不敬厥

書傳卷五

德。乃早墜厥命。我不敢知曰。有殷受天命。惟有歷年。我不敢知曰。不其延。惟不敬厥德。乃早墜厥命。

夏商歷年長短所不敢知。我所知者。惟不敬厥德。即墜其命也。與上章相古。先民之意。相為出入。但上章主言天春之不足。持此則直言不敬。德則墜厥命爾。釋音監音同。相去聲。下如字。

今王嗣受厥命。我亦惟茲二國命。嗣若功。王乃初服。



今王繼受天命我謂亦惟此夏商之命當嗣  
其有功者謂繼其能敬德而歷年者也况王  
乃新邑初政服  
行教化之始乎

嗚呼若生子罔不在厥初生自貽哲  
命今天其命哲命吉凶命歷年知今  
我初服

歎息言王之初服若生子無不在於初生習  
為善則善矣自貽其哲命為政之道亦猶是  
也今天其命王以哲乎命以吉凶乎命以歷  
年乎皆不可知所可知者今我初服如何爾  
初服而敬德則亦自貽  
哲命而吉與歷年矣

宅新邑肆惟王其疾敬德王其德之  
用祈天永命

宅新邑所謂初服也王其疾敬德容可  
緩乎王其德之用而祈天以歷年也

其惟王勿以小民淫用非彝亦敢殄  
戮用乂民若有功

刑者德之反疾於敬德則當緩於用刑勿以  
小民過用非法之故亦敢於殄戮用治之也

惟順導民則可有功民猶水也水泛濫橫流  
失其性矣然壅而遏之則害愈甚惟順而導

之則可  
以成功

釋

治平聲

橫如字



其惟王位在德元小民乃惟刑用于

天下越王顯

元首也居天下之上必有首天下之德王位在德元則小民皆儀刑用德於下於王之德

益以顯矣

上下勤恤其曰我受天命不若有夏

歷年式勿替有殷歷年欲王以小民

受天永命

其亦期之辭也君臣勤勞期曰我受天命大如有夏歷年用勿替有殷歷年欲兼夏殷歷

書傳卷五

十

年之永也召公又繼以欲王以小民受天永命蓋以小民者勤恤之實受天永命者歷年

之實也蘇氏曰君臣一心以勤恤民庶幾王受命歷年如夏商且以民心為天命也

拜手稽首曰予小臣敢以王之讎民

百君子越友民保受王威命明德王

末有成命王亦顯我非敢勤惟恭奉

幣用供王能祈天永命

讎民殷之頑民與三監叛者百君子殷之御事庶士也友民周之友順民也保者保而不

失受者受而無拒威命明德者德威德明也末終也召公於篇終致敬言予小臣敢以殷



周臣民保受王威命明德王當終有天之成  
命以顯于後世我非敢以此為勤惟恭奉幣  
帛用供王能祈天永命而已蓋奉幣之禮臣  
職之所當恭而祈天之實則在王之所自盡  
也又按恭奉幣意即上文取幣以錫周公而  
致王者蓋當時成王將舉新邑之祀故召公  
奉以助  
釋音 捧供音恭

### 洛誥

洛邑既定周公遣使告卜史氏錄之以  
為洛誥又并記其君臣答問及成王命  
周公留治洛之事今文古文皆有○按  
周公拜手稽首以下周公授使者告卜  
之辭也王拜手稽首以下成王授使者  
復公之辭也王肇稱殷禮以下周公教

書傳卷五

十一

成王宅洛之事也公明保予冲子以下  
成王命公留後治洛之事也王命予來  
以下周公許成王如洛君臣各盡其責  
難之辭也俾來以下成王錫命發殷命  
寧之事也戊辰以下成王記其祭祀用  
諾等事及周公居洛歲月久近以附之  
以見周公作洛之始終而成王舉祀  
發政之後即歸于周而未嘗都洛也  
釋音 使去聲下同并去聲治平聲  
後凡言治洛做此見形向反

### 周公拜手稽首曰朕復子明辟

此下周公授使者告卜之辭也拜手稽首者  
史記周公遣使之禮也復如逆復之復成王  
命周公營成周周公得卜復命于王也謂  
成王為不者親之也謂成王為明辟者尊之



也。周公相成王，尊則君，親則兄之子也。明辟者，明君之謂。先儒謂成王，勿周公代王為辟。至是反政成王，故曰復子明辟。夫有失然後有復。武王崩，成王立，未嘗一日不居君位。何復之有哉？蔡仲之命，言周公位冢宰，正百工。則周公以冢宰總百工而已，豈不彰彰明甚矣乎？王莽居攝，幾傾漢鼎，皆儒者有以啓之。是不可以不辨。蘇氏曰：此上有脫簡在。康誥曰：惟三月哉，生魄至。辟必益反。去使洪大誥治四十八字。音扶，幾音機。

王如弗敢及天，基命定命。予乃胤保大相東土，其基作民明辟。

書傳卷五

三

凡有造，基之而後成。成之而後定。基命所以成始也。定命所以成終也。言成王幼冲，退託如不敢及知天之基命，定命予乃繼太保而往。大相洛邑，其庶幾為王也。作民明辟之地也。洛邑在鎬京。相去東故曰東土。

予惟乙卯朝至于洛師，我卜河朔黎水。我乃卜澗水東，灋水西，惟洛食。我又卜灋水東，亦惟洛食。俾來以圖及

獻卜

乙卯，即召誥之乙卯也。洛師，猶言京師也。河朔，黎水。河，北黎水。交流之內也。澗水，東灋水。



西王城也。朝會之地。灋水東下都也。廢商民  
之地。王城在澗灋之間。下都在灋水之外。其  
地皆近洛水。故兩云。惟洛食也。使者史先定  
墨。而灼龜之兆。正食其墨也。倂使也。圖洛之  
地。圖也。獻卜。獻音。墨。倂。王城。下都。  
其卜之兆。辭也。釋音。補耕反。王城。在河  
南。即邠。邠。下都在洛陽。亦名成周。王城在  
下都。在東。去王城二十里。故亦名東郊。召公  
先營王城。已於戊申得卜。乙卯周公至洛。則  
攻位已成。不應再卜。周公之卜。專為定下都  
耳。若卜王城。則不應以河朔為先。鄭註謂黎  
水近紂都。為殷民懷土重遷。故先卜。近以悅  
之。是也。蓋周公遷殷民。初欲處之河上。而  
黎水不吉。又欲處之澗灋之間。而卜澗灋。又  
不吉。惟卜洛為吉。又卜灋水東。則去河朔亦  
不遠。而灋水東又不吉。亦惟卜洛為吉。遂定

書傳卷五

下都於洛陽。經文周公云。我卜而孔傳云。使  
人卜。強欲牽合傳會。召公之卜。為周公之卜。  
而以澗灋西為卜。王城於經文。殊不順。蓋  
黎水澗灋。皆周公卜。而不吉之地。孔氏乃反  
以澗灋為卜吉之地。此其謬誤之根。而錯亂  
經旨之尤者也。按禹貢。蔡傳引地志云。澗灋  
二水皆在王城之西。東南流入洛。澗水出  
池縣。至新安縣入洛。則全在漢弘農郡界中。  
灋水出穀城縣。至偃師縣入洛。則在河南郡  
界中。是王城去灋水為稍近。去澗水為甚遠。  
周公卜澗灋西。乃黽池穀城二縣之間。在  
河南縣之西北。灋水東。乃偃師縣之東。境  
既非河南王城。亦非洛陽下都也。又按寰宇  
記云。水經謂灋水出穀城縣北。今驗水西從  
新安縣東入河南縣北境。東入偃師縣界。而入洛  
十里。經河南縣北境。東入偃師縣界。而入洛



澗水則又在灑水之西。其去河南縣尤遠可知矣。故召誥但言攻位于洛汭。不言澗。灑也。召誥篇首專記召公營王城之事。洛誥篇首專記周公營下都之事。經文本自明白。而孔氏亂之。竟未有能辨者。敢詳言之。以祛一載之惑。王城與下都皆在河之南。洛之北。此洛近而距河遠。下都尤近。洛水故曰洛陽。西漢為洛陽縣。而河南郡治焉。東漢魏晉後魏皆為帝都。而土城累代。但為河南縣。至隋大業中。遷都城於河南。併遷洛陽縣於都城中。唐宋因之。而洛陽舊城遂廢。使去聲。

王拜手稽首曰。公不敢不敬天之休來。相宅其作。周匹休。公既定宅。俾來。

書傳卷五

十四

言  
來視予卜休恒吉。我二人共貞。公其以予萬億年敬天之休。拜手稽首誨。

此王授使者復公之辭也。王拜手稽首者。成王尊異周公而重其禮也。匹。配也。公不敢不敬天之休。命來相宅為周匹休之地。言卜洛以配周命於無窮也。視示也。示我以卜之休。美而常吉者也。二人。成王周公也。貞。猶當也。十萬曰億。言周公宅洛規模宏遠。以我萬億年敬天命。故又拜手稽首。相去聲。視與首以謝周公告卜之誨言。示通下。丕。視同。恒。胡。使去聲。登反。胡。聲。



周公曰。王肇稱殷禮。祀于新邑。成秩無文。

此下周公告成王宅洛之事也。殷盛也。與五年再殷祭之殷同。秩序也。無文。祀典不載也。言王始舉盛禮。祀于洛邑。皆序其所當祭者。唯祀典不載。而義當祀者亦序而祭之也。呂氏曰。定都之初。肇舉盛禮。大饗群祀。雖祀典不載。者成秩序而祭之。有告焉。有報焉。有祈焉。始建新都。昭假上下。告成事也。雨暘時若。大役以成。報神賜也。自今以始。永真于六祈。鴻休也。後世不知祭祀之義。鬼神之德。觀周公首以祀于新邑。為言若。關於事情者。神不。知人主臨鎮新都之始。齊彼一心對越。天地。達此精明之德。放諸四海。無所不準。而助祭。

諸侯。下逮胞翟之賤。亦皆有孚。顯若。收其放。而合其難。蓋格君心。萃天下之道。莫要於此。宜周公以釋音稱平。傳文公三年。曰。言云。為首務也。聲。殷盛也。謂三年。拾五年。禘。假音格。齊音齋。後。敷勿反。故南兩反。下如字。胞翟。上蒲交反。與。庖通。下音狄。祭統云。胞者。肉吏。之賤者也。翟者。樂吏之賤者也。

事 子齊百工。俾從王于周。予惟曰庶有事。

周公言子整齊百官。使從成王于周。謂將適洛時也。子惟謂之曰庶。幾其有所事乎。公但。微示其意。以待成。王自教詔之也。



命曰。汝受命。馬弼。今王即命曰。記功宗。以功作元祀。惟

功宗功之尊顯者。祭法曰。聖王之制。祭祀也。法施於民。則祀之。以死勤事。則祀之。以勞定國。則祀之。能禦大災。則祀之。能捍大患。則祀之。蓋功臣皆於大丞而勲勞之。最尊顯者。則為之冠。故謂之元祀。周公教成王。命曰。汝功。臣受此褒賞之命。當益厚。轉王室。蓋作元祀。既以慰答功臣。而又勉其左右。正室蓋圖久大。釋音。冠古玩反。左。右音佐佑。

不視功載。乃汝其悉自教工。

丕大。視示也。功載者。記功之載籍也。大視功載而無不公。則百工效之。亦皆公也。大視功載而或出於私。則百工效之。亦皆私也。其公其私。悉自汝教之。所謂乃汝其悉自教工也。上章告以褒賞功臣。故釋音。載作戒。其大視功載者如此。釋音。載作代反。

孺子其朋。孺子其朋。其往無若火始

燄燄。厥攸灼。叙弗其絕。

孺子。稚子也。朋比也。上文百工之視。效如此。則論功行賞。孺子其可少徇比黨之私乎。孺子其少徇比黨之私。則自是而往。有若火然。始雖燄燄尚微。而其灼爍將次第延。蓋不可得而撲滅矣。言論功行賞。徇私之害。其初甚微。其終至於不可遏絕。所以嚴其辭。禁之。



於未也釋音 醜以瞻以傳 始紹反比毗至反

也燒

厥若彝及撫事如予惟以在周工往  
新邑倅嚮即有僚明作有功博大成  
裕汝永有辭

其順常道及撫國事常知我為政之時惟用  
見在周官勿參以私人仕新邑使百工知上  
意嚮各就有僚明白奮揚而赴功博厚博大  
以裕俗則王之休聞亦必有辭于後世矣

釋音 嚮音向 見形向反 聞音問

書傳卷三

十七

公曰已汝惟冲子惟終

周之王業文武始之成王當終之也此上詳  
於託功教工內治之事此下則統御諸侯教

養萬民釋音 治平 之道也釋音 聲

汝其敬識百辟享亦識其有不享享  
多儀儀不及物惟曰不享惟不役志  
于享凡民惟曰不享惟事其爽侮

此御諸侯之道也百辟諸侯也享朝享也儀  
禮物幣也諸侯享上有八誠有偽惟人君克敬  
者能識之識其誠於享者亦識其不誠於享  
者享不在幣而在於禮幣有餘而禮不足亦



所謂不專也。諸侯惟不用志於專，則國人化之。亦皆謂上不必專矣。與國無專上之誡，則政事安得不至於差爽。故曰：侮。陳王度而為叛亂哉。人君可不以敬存心。難之於早察之於乎。

微音

釋音

朝馳

反

乃惟孺子頒朕不暇。嗚朕教汝于棊。民彝。汝乃是不夔。乃時惟不永哉。篤叙乃正父。罔不若予。不敢廢乃命。汝往敬哉。茲予其明農哉。彼裕我民。無遠用戾。

書傳卷五

六八

此教養萬民之道也。頒朕不暇。未詳。或曰：成王當頒布我汲汲不暇。老聽我教汝。所以輔而非常性之道。汝於是而不免焉。則民彝亂。先正云者。篤者篤厚。而不忘。叙者先後之不紊。言篤叙武王之道。無不如此。則人不敢廢汝之命矣。呂氏曰：武王汲汲周公如武王。故天下不廢周公之命。周公十成王如周公。則天不廢成王之命。庚至也。王往洛邑。其敬之哉。我其退休田野。惟明農。事蓋公有歸老之志矣。彼謂洛邑也。王於洛邑。和音。豐。謨。裕其民。則民將無遠而不王焉。

裕其民。則民將無遠而不王焉。

和音

豐謨郎反

王若曰：公明保予。冲子。公稱丕顯德。以予小子揚文武烈。奉答天命。和恒。



# 四方民居師。

此下成王答周公及留公也。大抵與上章參錯相應。明顯明之也。保保佑之也。稱舉也。和者使不乖也。恒者使可久也。居師者宅其衆也。言周公明保成王。舉大明德使其上之不忝於文武。仰不愧天。俯不忤人也。

**釋音**

**稱平聲**

**下同**

## 惇宗將禮稱秩元祀。咸秩無文。

宗。功宗之宗也。下文禮同。將。大也。

## 惟公德明。光于上下。勤施于四方。旁作穆穆迓衡。不迷文武勤教。予冲子

書傳卷五

十九

# 夙夜咨祀

旁無方所也。因上下四方為言。穆穆和敬也。迓。迎也。言周公之德昭著于上下。勤施于四方。旁作穆穆以迎治乎。不迷失文武所勤之教於天下。公之德教加於時者如此。予冲子夫何為哉。惟早夜以謹祭祀而已。蓋成王知周公有所退休之志。故示其所以留之之意也。

**釋音**

**治去聲**

**夫音扶**

## 王曰。公功斐迪篤。罔不若時。

言周公之功所以輔我啓我者厚矣。當常如是。未可以言去也。

## 王曰。公予小子其退。即辟于周。命公



後

此下成王留周公治洛也。成王言我退即居于周。命公留後治洛。蓋洛邑之作周公本欲成王遷都以宅天下之中。而成王之意則未欲捨鎬京而廢祖宗之舊。故於洛邑舉祀發政之後。即欲歸居于周。而留周公治洛。謂之先儒。謂封伯禽以為魯後者。非是。考之費誓。東郊不開。乃在周公東征之時。則伯禽就國。蓋已父矣。下文惟告周公其後其字之義。益可見其為周公。不為伯禽也。

同聲下

四方迪亂未定于宗禮亦未克救公

書傳卷五

二十

功

宗禮即功宗之禮也。亂治也。四方開治。公之功也。未定功宗之禮。故未能救公功也。救功者安定其功之謂也。  
釋音 治去聲  
即下文命寧者也。

迪將其後監我士師工誕保文武受  
民亂為四輔。

將大也。周公居洛啓大其後使我士師工有所監視。大保文武所受於天之民。而治為宗周之四輔也。漢三輔蓋本諸此。今按先言啓大其後而繼以亂為四輔。則命周公留後於洛明矣。  
釋音 監音 治平聲



王曰。公定。予往已。公功肅。將祗歡公。無困哉。我惟無斃其康事。公勿替刑。四方其世享。

定爾雅曰止也。成王欲周公止洛而自歸往。宗周言周公之功人皆肅而將之。欽而悅之。宜鎮撫洛邑以慰懼人心。毋求去以困我也。我惟無厭其安民之事。公勿替所以監我士師工者。四方得以世享公之德也。吳氏曰。前漢書兩引公無困哉。皆以哉作我。當以我為釋音。公無與母。通斃音亦。

周公拜手稽首曰。王命予來。承保乃

書傳卷五

三

文祖受命。民越乃光烈。考武王弘朕恭。

此下周公許成王留等事也。來者來洛邑也。承保乃文祖受命。民及光烈。考武王者。答誕保文武受民之言也。責難於君謂之恭。弘朕恭者。大其責難之義也。

孺子來相宅。其大惇典。殷獻民亂。為四方新辟。作周恭先。曰。其自時中乂。萬邦咸休。惟王有成績。

典。典章也。殷獻民。殷之賢者也。言當大厚其典章。及殷之獻民。蓋文獻者為治之大要也。



亂治也。言成王於新邑致治為四方新主也。作周恭先者。人君恭以接下。以恭而倡後王也。公又言其自是宅中圖治。萬邦咸感。休美則王其有成績矣。此周公以治洛之效。望之成王也。  
釋音 相去 治去聲 下三治字同 倡音唱 以治平聲

子曰以多子越御事篤前人成烈答其師作周孚先考朕昭子刑乃單文祖德

多子者眾卿大夫也。唐孔氏曰子者有德之稱。大夫皆稱子。師眾也。周公言我以眾卿大夫及治事之臣篤厚文武成功。以答天下之眾也。孚信也。作周孚先者。人臣信以事上。以

書傳卷五

三

信而倡後人也。考成也。昭子猶所謂明辟也。親之故曰子。刑儀刑也。單彈也。言成我明子也。儀刑而殫盡文王之德。蓋周公與群臣篤前人成烈者。所以成成王之刑。乃殫文祖德也。此周公以治洛之善自效也。  
釋音 單與 治平聲 下同 彈同 殫音丹 盡也

伴來懿殷乃命寧子以秬鬯二卣

曰明禋拜手稽首休享

此謹筮殷民而命寧周公也。秬黑黍也。一稗二米和氣所生。鬯香酒也。卣中尊也。明禋禋敬也。以事神之禮事公也。蘇氏曰以黑黍為酒合以鬱鬯所以禋也。宗廟之禮莫盛於禋。王使人來戒勅庶殷且以秬鬯二卣。紱寧周公曰明禋。曰休享者何也。事周公如事



神明也。古者有大賓客，以子禮禮之。酒清人渴而不飲，肉乾人飢而不食，故享有體薦。豈非敬之至者則其禮如祭也歟。

**釋音**

自以九反，又音由。禮。

**音傳** 稊，芳無反，穀皮也。按爾雅，稊，黑黍。亦因。黑黍，一稊，二米。毛氏詩傳同。詩詁云：「

是黑黍之大名。秬，則黑黍中之一稊，二米者。但孔傳及說文皆言秬一稊，二米。未知是否。

又蔡傳謂和氣所生，若果爾，則非常有之物。豈得以常供釀哉。鬯，鬯金，祭周禮，鬯人掌供。

秬，鬯。註云：「秬，鬯不和鬯者。又鬯人，和鬯，鬯以實彝。」註云：「築鬯，金黃之，以和鬯酒，是鬯為草。」

名。而秬，鬯鬯皆酒名。鬯者，以其調暢也。此經文，但言秬鬯，則是未和鬯者。蔡傳未考。自中尊，爾雅，孫炎註云：「尊以鬯為上，鬯為下，自居。中，郭璞云：在壘彝之間。」

書傳卷五

八三三

等六尊是也。未祭則秬鬯，也。孤於自，及祭則鬯。鬯實於彝，肉乾音干。語見禮記，聘義，體薦，謂半解其體而薦之，亦謂之房丞。

### 予不敢宿，則禋于文王、武王。

宿，與顧命三宿之宿同。禋，祭名。周公不敢受此禮而祭於文武也。

**釋音**

宿與

三宿同。案顧命，釋宿為進，對於神所，非謂自飲而進爵也。從孔傳，不經一宿為優。又禋字前訓，敬後訓，祭名，亦為未安。管洛既成，成王以秬鬯命周公，告于文武，而周公即以祭也。

惠篤叙，無有遘，自疾萬年，厭于乃德。

### 殷乃引考

殷乃引考



此祭之祝辭周公為成王禱也。惠順也。為叙與篤叙乃正父同。順篤叙文武之道身其康強無有邁遇自罹疾害者。孫萬年厭飽乃德殷人亦永壽也。

厭於為去聲

禱音  
候反

王佶殷乃承叙萬年其永觀朕子懷德

承聽受也。叙教條次第也。王使殷人承叙萬年其永觀法我孺子而懷甘不德也。蓋周公雖許成王留洛然且謂王佶殷者若曰遷洛之民我固任之至於使其承叙萬年則實繫于王也。亦責難之意與。召諸宗用供王能祈天命語脉相類。

書傳卷五

十四

戊辰王在新邑烝祭歲文王駢牛一武王駢牛一王命作冊逸祝冊惟告周公其後王賓殺禋咸格王入太室裸

此下史官記祭祀冊詰等事以附篇末也。戊辰十二月之戊辰日也。是日成王在洛舉烝祭之禮曰歲云者歲舉之終也。周尚赤故用駢宗廟禮太牢。此用特牛者命周公留後於

洛故舉盛禮也。逸史佚也。作冊者冊書也。逸祝冊者史逸為祝冊以告神也。惟告周公其

後者祝冊所載更不他及惟告周公留守其後之意重其事也。王賓猶言賓祀宋之屬助



祭諸侯也。諸侯以王殺牲禋祭。祖廟故咸至也。太室清廟中。央室也。裸灌也。以圭瓚酌。秬

鬯。灌地以釋音。戊音茂。祝之六反。陸逸也。降神也。又之反。裸古玩反。佚也。

及冢。周書克殷篇云。王即位。尹逸策曰。殷之未孫受德云云。又云。乃命南宮伯達史佚遷

九鼎。三空。按此則尹逸史佚是兩人。此或是尹逸也。裸灌也。孔疏云。以圭瓚酌鬯之酒

以獻尸。尸受祭而灌於地。因奠不飲。謂之裸瓚。才旱才贊二反。秬鬯灌地。按秬米為酒名

秬。鬯將祭則煮鬯和之。乃名鬯。鬯灌必用鬯。鬯取其芳香。旁達以降神。郊特牲云。鬯合鬯

臭。陰達於淵泉是也。傳言秬鬯灌地。非是。

傳言秬鬯灌地。非是。

# 王命周公後。注冊逸誥在十有二月

書傳卷五

二十五

逸誥者。史逸誥曰。周公治洛留後也。在十有二月者。明辰為十二月日也。

## 惟周公誕保文武受命惟七年

吳氏曰。周公自留洛之後。凡七年而薨也。成王之留公也。言誕保文武受命。公之復成王也。亦言承保乃又祖受命。越乃光烈考。文武故史臣於其終。計其年曰。惟周公誕保文武受命。惟七年。並

終始公之辭云。釋音留洛七年。周公留洛無所考據。而禮記亦云。周公七年致政於成王。意者孔氏作傳博考經籍。或當時猶他有

所據。宜從孔說。周公攝政盡此十二月。惟七年也。孔傳以在十有二月一句屬下章。文意

甚明白。今以屬上章。殊覺未安。餘見蔡仲篇。

覺未安。餘見蔡仲篇。

覺未安。餘見蔡仲篇。

覺未安。餘見蔡仲篇。



多士

商民遷洛者亦有位之士故周公洛邑初政以王命總呼多士而告之編書者因以名篇亦詰體也今古文皆有○吳氏曰方遷商民于洛之時成周未作其後王南周公患四方之遠鑒三監之叛於是始作洛邑欲徙周而居之其曰昔朕來自奄大降爾四國民命我乃明致天罰初也曰今朕作大邑于茲洛予惟四方之固攸宿亦惟爾多士攸服奔走臣我多遜者言遷民而後作洛也故洛誥一始終始皆無欲遷商民之意惟周公既誥成王留治於洛之後乃曰伊來蒞殷又曰王伊殷乃承叙當時商

書傳卷五

二六

民已遷于洛故其言如此愚謂武王已有都洛之志故周公黜殷之後以殷民反覆難制即遷于洛至是建成周造廬舍定禮場乃告命與之更始焉爾此多士之所以作也由是而推則召誥攻位之庶殷其已遷洛之民歟不然則受都今衛州也洛邑今西京也相去四百餘里召公安得舍近之友民而役遠之僻民哉書序以為成周既成遷殷頑民者謬矣吾固以為非孔子所作也

釋音

芳六反場音亦更平聲舍音捨

惟三月周公初于新邑洛用告商王士



此多士之本序也。三月成王祀洛次年之三月也。周公至洛久矣。此言初者。成王既不果遷。留公治洛。至是公始行治洛之事。釋音故謂之初也。曰商王士者。貴之也。釋音上齋陳氏曰。此篇皆稱王若。曰。則是相宅年之三月也。

王若曰。爾殷遺多士弗弔。旻天大降喪于殷。我有周佑命。將天明威。致王罰。勅殷命。終于帝。

弗弔未詳。意其言。歎憫之辭。當時方言爾也。旻天。秋天也。主罰而殺而言。歎憫言旻天大降災害。而喪殷。我周受眷佑之命。奉將天之明威。致王罰之公也。初。正殷命而革之。以終上帝

書傳卷五

三七

之事。蓋推革命之。公以開諭之也。  
釋音弔。如字。釋音歎。憫之辭。與及此篇皆有弔之語。而皆繼以天降割降喪。蔡傳於大誥釋為不為天所恤。與三篇文義皆合。而此章又意其為歎憫之辭。何也。合從前釋以歸于一。

肆爾多士。非予小國。敢弋殷命。惟天不畀克。罔固爾。勗我其敢求位。

肆。與康誥肆汝小子封同。弋。取也。弋。鳥之弋。言有心於取之也。呼多士。誥之。謂以勢而言。

我小國亦豈敢弋取殷命。蓋裁者培之。傾者覆之。固其治而不固其亂者。天之道也。惟天不與殷信。其不固殷之亂矣。惟天不固殷之亂。故輔我周之治。而天位自有所不容辭者。



我其敢有求  
位之心哉  
釋音 弋音 呼去聲 治去聲 下同

惟帝不不不惟我下民秉為惟天明畏

翼指也。言天命之所不與即民心之所秉為。民心之所秉為即天威之所明畏者也。反覆天民相因之理以見天之果不外乎民。民之果不外乎天也。詩言秉彜此言秉為者彜以

理言為以音為如見形用言也音如見形句反

我聞曰上帝引逸有夏不適逸則惟

帝降格嚮于時夏弗克庸帝大淫泆

有辭惟時天罔念聞厥惟廢元命降

### 致罰

書傳卷五

三六

引導逸安也降格與呂刑降格同呂氏曰上帝引逸者非有必聲之接也人心得其安則

禮豐而不能已則則上帝引之也是理坦然亦何間於祭第祭亦喪其良心自不適於安耳

帝實引之祭實進之帝猶未遽絕也乃降格災異以示意嚮以祭祭猶不知警懼不能敬

用帝命乃大肆淫以逸雖有矯誣之辭而天罔念聞之仲虺所謂常用不滅是也廢其大命

降致其罰而釋音嚮音向音豐音尾不倦夏祚終矣釋音洪音逸音之貌間去聲

乃命爾先祖成湯革夏俊民甸四方

甸治也伊尹稱湯旁求俊彥孟子稱湯立賢無方蓋明湯俊彥分布遠邇甸治區畫成湯



立政之大經也。周公反復以夏商為言者，蓋夏之亡，即殷之亡。湯之興，即武王之興也。商民觀是亦可，以自反矣。

釋音

治平聲 復音腹

自成湯至于帝乙，罔不明德恤祀。

明德者所以脩其身。恤祀者所以敬乎神也。

亦惟天丕建，保乂有殷。殷王亦罔敢

失帝，罔不配天其澤。

亦惟天大建立保治有殷。殷之先王亦皆操存此心，無敢失帝之則，無不配天以澤民也。

在今後嗣王誕罔顯于天，矧曰其有

書傳卷五

二九

聽念于先王，勤家，誕淫厥泆，罔顧于

天，顯民祗。

後嗣王紂也。紂大不明於天道，况曰能聽念高先王之勤勞於邦家者乎。大肆淫泆，無復顧念天之顯道。

釋音 矧失忍反。民之敬畏者也。泆音逸。

惟時上帝不降，若兹大喪。

大喪者國亡而身戮也。

釋音

費去聲 下章同

惟天不畀，不明厥德。

商先王以明德而天丕建，則商後王不明德而天不畀矣。



凡四方小大邦喪。罔非有辭于罰。

凡四方小大邦國喪亡。其致罰皆有可言者。况商罪貫盈。而周奉辭以伐之者乎。

王若曰。爾殷多士。今惟我周王不靈承帝事。

靈善也。大善承天之所為也。武成言祗承上帝以遏亂畧是也。

有命曰。割殷。告勅于帝。

帝有命曰。割殷則不得不戡。定翦除。告其勅正之事于帝也。武成言告于皇天后土。將有大正于商者。是也。

惟我事不貳適。惟爾王家我適。

上帝臨汝。毋貳爾心。惟我事不貳適之謂。上帝既命侯于周服。惟爾王家我適之謂。言割殷之事。非有私心。一於從帝而無貳適。則爾殷王家自不容不我適矣。周不貳于帝。殷其能貳於周乎。蓋示以確然不可動搖之意。而潛消頑民反側之情。爾然聖賢事不貳適。日用飲食莫不皆然。蓋所以事天也。豈特割殷之事而已哉。

予其曰。惟爾洪無度。我不爾動。自乃

邑。

三監倡亂。予其曰。乃汝大為非法。非我爾動。變自爾邑。猶伊訓所謂造攻自鳴條也。

音



